

121

Una giunta 'e sole.

Una giunta 'e sole
 de amore ricamada
 apo pedidu accù
 a s'atzurr 'e su chelu,
 e lu chelz'offerire
 a sos isventurados
 chi cun manos de fogu
 giogan cun su tritòlo.
 Est ora 'e cumprender
 chi s'amor 'e sa paghe
 non atzettat violenza
 ma hondra e unione.
 Forsis non cheren bider
 s'abba 'e sas làgrimas
 falare abbondante
 in càvanos sulcados
 de babbos e de mamas,?
 Non intenden su piantu
 de una criaduredda
 chi galu non cumprendet
 su raju chi l'est ruttu.
 S'emigrant 'e colore
 ch'in sa barca 'e sonnios
 hat giampaðu su mare
 pro si chircare pane.
 Sa luna pro cumpanza,
 sos isteddos a ghia
 sutta s'iscurigore
 in banchinas dormiat.
 S'eroe 'sa violenza
 non podet piùs torrare
 a sos bramados lidos
 de s'amada terra sua.

ISPINAS

LISETA MUDADU
USINI